

beatitudinis tuae legebam, optime mihi placere fateor; si tamen invenias qui vestrum 801  
bonum impleat desiderium.

Revertere, revertere, pater sancte — peracta pietatis legatione — ad oves per-  
ditas; ne grex sine pastore per spineta vitiorum corruens erret<sup>a</sup>, qui vix pastore prae-  
5 sente corrigi potuit. Sicut duo oculi in corpore, sic vos duos<sup>b</sup> per totius Britanniae<sup>c</sup>  
latitudinem lucere credo atque opto. Noli dextrum patriae subtrahere oculum. Me-  
mento sanctissimos antecessores tuos, patres et pastores nostros, qua sollicitudine  
laboraverunt in verbo Dei, et in salute populi christiani; ut, illorum sequens vestigia,  
eorum merearis consortio frui in caelesti gloria.

10 Si vero ad domnum regem<sup>1</sup> pervenias, ammone socios tuos, maximeque clericos,  
ut honorifice se observent in omni relegione sancta, in vestimentis et in ordine eccle-  
siastico; ut totius bonitatis, ubicumque vadas, semper relinquas exemplum. Prohibe  
eos auro vel siricis uti vestimentis<sup>2</sup> in conspectu domni regis; sed humili habitu  
incedant secundum consuetudinem servorum Dei. Et per omnia loca cum pace vadas  
15 et conversatione honesta, cognito tibi more et consuetudine huius gentis.

Misi tibi, sicut demandasti mihi, sellam, qua ego caballicare solitus sum, sic  
parata, sicut solent ecclesiarum pastores in hac regione habere; caballum quoque,  
qui portaret sellam vosque supersedentes, si placeat pietati vestrae. Puerum<sup>d</sup> meum  
direxi, ut nostri<sup>3</sup> honorifice vos suscipiant, secundum quod habeam<sup>e</sup> facultatem et  
20 vestrae sanctitatis iussio fiat.

Per quem potes mihi demandare iterum litteris de itinere vestro, utrum ad  
sanctum Martinum<sup>4</sup>, protectorem nostrum et intercessorem vestrum, vestra bonitas in  
revertendo<sup>5</sup> venire cogitet.

Prosperum iter vobis faciat Deus; angeloque eius comitante, Spiritus sanctus  
25 prospere vos ducat, atque reducat et multos faciat feliciter annos in sancta proficere  
praedicatione ad salutem multorum et<sup>f</sup> augmentum mercedis vestrae in aeterna gloria,  
dulcissime et desiderantissime pater.

In fine vero huius cartulae deprecor caritatem vestram, ut mei nominis habeatis  
memoriam in sanctis orationibus vestris, sicut saepius rogavi vestraque promisit benigni-  
30 titas. Sed modo maxime obsecro, ut apud sanctos apostolos et marthyres Christi mei  
habeatis memoriam; sicut<sup>g</sup> apud Sanctum Martinum vestri habere dulce habemus.  
Bene<sup>h</sup> valeas, vigeas, et floreas in omni bonitate, domine sancte.

## 231.

*Alcvinus Carolo imperatori Aethelhardum archiepiscopum Cantuariensem, Romam  
proficiscentem, eiusque comites commendat.* 801.

35 *Codd. T fol. 36'—37 (T\* fol. 33), L fol. 191'—193.*

*Edd. Q 18, F 64, Haddan and Stubbs Councils III, 533, J 172. — Migne col. 258.*

DOMINO DESIDERANTISSIMO DAVID REGI FLACCUS MATRICULARIUS AETERNAM  
IN CHRISTO SALUTEM.

Dulcedo dilectionis vestrae et fiducia<sup>a</sup> probatae pietatis saepius me hortatur  
40 vestrae auctoritati dirigere litterulas officioque syllabarum id agere, quod fragilitas  
corporis obstat voluntati impleri posse. Sed rerum<sup>b</sup> novitas supervenientium novos

<sup>a</sup>) errat *H.*    <sup>b</sup>) duo *H.*    <sup>c</sup>) Brintanniae *H.*    <sup>d</sup>) que *add. A 1\**.    <sup>e</sup>) habent *A 1\**.    <sup>f</sup>) ad  
*add. A 1\**.    <sup>g</sup>) nos *add. A 1\**.    <sup>h</sup>) Bene — sancte *om. H.*

231. <sup>a</sup>) fiducia *L.*    <sup>b</sup>) iterum *L.*

45 1) Carolum, tum iam imperatorem.    2) Cf. supra p. 76 l. 23.    3) fratres cellae S. Iudoci;  
v. p. 376 n. 7.    4) Turonum.    5) Roma.